

七言小詩
五言四韻

保閑齋集二



徐閑齋集卷第五

七言小詩

次鏡城東軒韻

錫宴春懽到十分
玉山頽了醉將軍
男兒知遇忘身計
袖裏青蛇映塞雲

以吾郎哈與方知
介相攻殺承命行
巡安集尋下諭令
臣宴慰都節制使
揚公故云聞曹行
源還京寄示

聞說君從萬里歸
正當桃李滿城時
和戎未了還無日
春盡關山客夢遲

前年君去我還歸
今日君歸我北陲
始信人生無會合
天涯孤客淚連瀉

身擁旌旗並塞山，桑弧畢竟誤儒冠。
春深客久多歸思，天外停雲入眼寒。

次會寧東軒韻

民虜耕耘與雜居，俗知弓劍不知書。
百年胡地今為鎮，阿木河流繞古墟。

容裏悠悠送日堯，題詩聊且把中書。
北來春盡無情況，但見長江隔虜墟。

絕地寧無貨可居，功名不在記名書。
男兒結髮桑弧志，擬掃蜂屯女真墟。

次穩城東軒韻

塞中三月始知春，芳草幽花待雨新。
時見野田遺積在，昇平聖澤及邊民。

邊城客久送殘春時物紛紛觸眼新欲問金人當
世事不知那箇是遺民

獨坐偶吟呈廉金兩同年

雨餘躑躅山杏花空春歸欲奈何萬里遠遊同
寂寞隔江青草野人家

又用前韻呈主人節制

客裏悠悠空見花良辰何處醉無何主人亦我同
年交盃酒應忘波自家

次李德輿韻

與君情契謝機關接漆飲醇無世間贈別數篇清
什在客中憑仗遣孤閑

萬里羈遊帶北關一春歸思五雲間良辰鳳沼多

清暇日把黃封醉占閑

內相風流揔少年芳菲况屬艷陽天北中春盡花

初放西夏山前躑躅然

邊城刀斗夜如年明月長江塞外天春夢羈愁撩

亂在殘燈孤館坐蕭然

醉出都門似夢中依稀猶記拜尊翁珠璣况失今

還得長詠身忘在寒東

贈詩失而還得

悲笳孤角繞胡中千里誰憐塞上翁萬騎青綯磨

土暗雲連長白海天東

僕出京之日尊大人恩府見錢於晉齊院

授僕以年兄贈別詩僕受而袖之醉甚則

隨於途中從事康公尾至得之授漢從者

而不以告我其日醉中授詩之事依稀猶
在心頭而無與為質一日在穩城探藥囊
得詩問知其由亦大奇事每一吟咏寂寞
中足為良友謹次清韻錄奉左右幸為院
中諸公一誦一喙前日院中來書每審向
康如今想已寧裕日陪雲仗懸企懸企僕
待遠人未至處處稽留正如西域賈胡時
漸草長馬健虜計難測浮言日至部署鎮
兵往來提督兵事萬端頭髮頗有白婆娑
至此想為交舊所憐行人促發書不盡懷

寄呈承政院

千里承恩喜氣新龍鍾塞下遠遊人邊民手額知

榮耀那段山前醉送春

天順己卯春承命行邊安集野人到穩

城待遠人未至留數日城新移館舍開明

心且安焉時從事康公孝文兵使首領金

公好仁從僕皆同年也主人僉制亦於僕

為同年同年四人不期而會真大奇事於

是吟兩絕破閑三公亦各有和月晦在慶

源而林公糊為軸以為後日觀亦大好事

也又用其韻題一絕以歸之

北來春盡始開花報道東君奈尔何遠客四人同

榜友相將客又便成家

兵使用前韻見和又答是

一枝窻外雨中花似道春歸乃我何蝴蝶且休相
見擾男兒有夢不還家
躑躅開殘到李花
廉纖時雨又如何
客窻可寄須
更與芳草孤城塞上家

兵使慰宴又用前韻奉呈

病得數日兵使欲
慰院多折李花以

至極壁無不
亂神故戲之

三行歌舞滿頭花
其奈龍鍾病客何
南望五雲應
不遠明朝上馬我還家

又答金首領詩有勸酒語是日以病不飲酒
春風已盡對餘花
病裏當盃可若何
會合方敷離
思急一城微雨萬人家

前詩韻窮續韻以屬諸公共詠

頭上涿光瞥眼過塞天愁緒雨絲多舉白誰人能
引滿不妨清咏雜絃詩

又用前韻

邊城初夏雨新過那段山前草色多數日清歡猶
未足尊前驟舞絳胡謔

更漏丁東客耳過歸心一夜雨聲多諸公且莫論
萍梗從古驪駒有別謔

慶源伯張同年作軸求詩為題兩絕卷還

邊城舊友喜相逢數日開歡醉夢中計子瓜期應
未久相迎痛飲趁秋風

人生何處不相逢蓋角胡茄談笑中誰道塞邊時
節晚綠陰芳草已薰風

次高山站軒朴延山詩韻

館前嶺路正盤空碧岫晴雲兩面同
若徒積雪一鞭歸路綠陰中

浮雲入言歸洞空此地分携今古三
一在六悲三滅滅三山空語別離也

臨別坐首領

關西之玉獨難入庭請誰君志望而
一官三

憑筆而學父老經清塵

寄平安史監司曹行源

一平年系近日生晴遠華髮兩三
三三三三三三三三三三三三三三三

三三三三三三三三三三三三三三三

三三三三三三三三三三三三三三三
三三三三三三三三三三三三三三三

山川壯麗動無不發

行旅

丁巳年三月廿三日

...

...

...

...

...

...

...

...

...

Faint vertical text on the far right edge of the page, likely bleed-through from the reverse side.

Another column of very faint vertical text, partially obscured by ink smudges.

Vertical text column with moderate legibility, showing several characters.

Vertical text column with some characters clearly visible, possibly including '川' and '山'.

Vertical text column with faint characters, possibly including '天' and '地'.

Vertical text column on the left side of the page, with the least legible characters.

古漢刻書

元及以西或以元所...

歲之... 漢... 河前... 樹...

寄崔壯元... 為洪刻書從事

臺上... 不見... 龜... 山...

寄助戰軍官

寒... 東北... 正... 獨... 春風... 未... 休...

漆原尹君... 以... 征... 凱... 還... 誓... 公...

和詩也尹高世人也喜其來與之引滿話舊
夜闌情多悲感謹步諸公詩韻奉贈云

絕世清高孰與班時回白眼視塵顏門前車馬非
無客獨喜君來一夜歡

鑿坡十載醉聯班今日唯君是舊顏宦海浮沉真
莫料清遊時入夢中歡

功名欺世忝崇班趨走盡為時俗顏飽見物情隨
今暖何如更與故人歡

寄贈而栗蕪東康孝文

東溟萬里海雲生塞下超超玉節明日多春風吹
不盡鉄衣猶入夢中輕

寄慶尚監司金淳

都市家家亥釀新杏花烟柳蒲城春離懷嶺表三
千里閑曠時時夢故人

寄咸陽兄

三年孤索天南極數夕團欒漢北頭對榻情談談
未了嶺雲迢迢起離愁

又用前韻呈咸陽兄

離懷落落如春草世事悠悠欲白頭已見長安花
似海停雲千里不堪愁

寄羅州崔子初

蛟蝶鳴鳩春事殷飛花白髮兩紛紛一鞭倘下家
山路數載離懷說與君

次玉果東軒韻

一軒閑靜綠陰成
芍藥殘花照眼明
小邑朱陳淳俗在
家家桑柘一區平

功名欺世竟何成
自愧悠悠負聖明
雨露從天及

丘壠松楸一倍翠
陰平

十載鄉人總老成
自憐遊子鬢絲明
先塋莫罷多悲感
半日憑軒恨不平

祖妣母會祖墳在縣南十里許
自追 贈三

代後連年在塞北
至是乃承 命焚黃

次光州東軒韻

南國光山是古州
鶴歸華柱起清愁
時移節變隨人事
但見黃雲麥壠秋

次全州東軒韻

千古興亡屬壯觀
佳餘滿郭繞青山
聖代即今無所事
尊前謔舞簇花冠

富貴歸鄉衆所觀
十年依舊好江山
功名事業非吾分
世味無如果掛冠

故國逢人著眼觀
南來處處是家山
征討頻年頭欲白
桑弧畢竟誤儒冠

到京答寄全羅李監司

十載家山始得歸
歸來懶悅夢耶非
祇今身上餘醺在
入眼停雲天外飛

寄羅州崔子初

故山千里恣遨遊
處處盃尊醉未休
萍水浮生真可歎
如今回首路悠悠

寄咸陽兄

千里相隨喜氣新
盃尊處處不饒人
為想鈴齋清意味
東華依舊軟紅塵

呈刑曹參判李伯玉

客斷孤齋夢覺遲
滿簾飛雨正絲絲
故人有意如相訪
話舊論詩喜可知

正卿以狎鷗亭詩來示有感偶吟書呈

剝啄柴扃起視遲
來傳一幅狎鷗詩
令及讀罷生幽思
擬向湖山共宿期

軒冕倘來自古今
一篇高義動人欽
滿簾飛雨多愁緒
惹起江湖一段心

次咸陽城門韻

天極頭留倚半空湖南一望彩雲中試登樓上憑
軒看千古蒼顏面面同

題春隱黃梅詩卷

千峯水墨洒餘清一幅縱橫使我驚坐對西山半
簾雨黃梅消息正分明

金仙遺教自天西千古相傳事不齊無盡燃明一
燈在誰知衣鉢亦筌蹄

慢從胯下求韓信競逐塵中識聖人肉眼紛紛固
如此清風萬古度迷淪

雲盡青天白日明西風寒杵起秋聲師心鏡樹俱
無物一段春梅誰與評

代學專次咸陽詩韻

平生幽興寄雲空
智異名山在意中
南國秋風收瘴霧
飛筇擬與主人同

寄贈具體察

薰春江外塞雲合
長白山前雨氣昏
京洛故人頻酌酒
冥冥東望更忘言

寄贈康叅判

鞞鼓連年尚未休
邊城塵土使人愁
萬里離懷誰與說
滿簾飛雨正浮浮

挽姜領議政

晉山秀氣鍾蜿蜒
壇山斗三韓曠代賢
聖主祗今方倚重
如何仙夢忽翛然

手搏日轂上天衢
勲在凌烟世不渝
伴食數年陪

指畫情親况復屬葭莩

都門薤露曉聞喧
慘淡愁雲隔九原
千里晉山無處望
悲風吹動北堂萱

達者從來味道諛
昔人賢聖與為徒
浮生何似尊前醉
千古英靈土一丘

贈別韓子濬體察咸吉

冒雨前年涉虜庭
送君今日思冥冥
丈夫有志桑弧在
已遣燕然入眼青

曾見天兵擣穴巢
尚餘殘虜聚腥臊
君歸掃盡非無策
善戰如何不戰高

送金應教

壽寧

李判官

克均

為子濬從事赴

咸吉

兩君文武擅才華入幕籌邊世所多一取功名猶
拾芥毛錐大劔定如何

送慶尚監司盧叔全

煌煌玉節照南州舊國秋回畫錦遊榮孝如公誰
可比故山佳氣動松楸

結髮從遊數十秋三年嶺外暮雲愁相逢草草還
相別有約蹉跎恨不休有遊江亭之約

行旌千里拂炎蒸一別江濱病未能攬轡澄清餘
事耳南方竚聽頌聲騰

醉贈三榜同年南平李使專粹

南平太守我同年千里相逢喜欲顛落日川邊一
樽酒懽情離思兩茫然

日已悠悠又此送而軒

謝姜景愚畫梅蕪惠桃

隔歲情懷半日傾一場高話夢猶驚炎中雪夢知

神手相對令人敬骨清

海中仙果三千歲世上塵魂一枕眠凡骨刀圭知

有分桃源何必武陵天

一菴袖簪川子詩來示求和依韻走次

北岳雨晴收暑溽西湖風起欲秋波平生汨汨塵

中老泉石幽懷覺漸多

炎蒸坐我烘爐中賴有神翁一笑同每喜清談除

熱惱相從非欲學空空

題詩落字逐絲闌句意縈懷變態間禪僧好事來

相擾又費閑中多少閑

昨日西遊夢未忘
長江流水繞平岡
擬邀一老菁
川子共賞孤亭一味涼

一菴上人用菁川韻來示
又依韻為四絕奉

呈

每愛山中掩碧蘿
隨身塵海困驚波
半簾明月秋風至
更覺新涼一夜多

半百浮生半夢中
夢中身世水萍同
閑來更被詩為癖
長嘯瀟然倚晚空

軒冕雲浮世味闌
惟知放浪酒尊間
投簪謝笏非無意
亭上何時可保閑

俗子禪翁同夜榻
長松明月共秋岡
炎塵暑溽休

相惱一夕凶風天地涼

讓寧大君江亭

賜宴席上次蓮原府院君韻

江亭賜宴集羣英榮福名亭稱物情絃管羽觴催
醉興自慚迺拙忝登瀛

西風吹雨白鷗邊落日長江醉眼前誰信人間有
此境冷然擬欲挾飛仙

次尹之望韻

老夫離愁倍昔年候虫撩亂一宵眠超超玉節天
南極况見秋風已颯然

從事諸公振妙年尊前風味醉來眠湖南自古名
奇勝馬首霜楓况欲然

寄子濬

東溟極目海連天塞下秋風已颯然老去離懷非
昔日虫聲四壁不成眠

寄之望

離思秋深日更多虫聲繞砌正交加真前醉興成
寥落籬下黃花奈尔何

一菴袖兩軸畫乃姜景愚所畫也請僕詩題

江亭晚照之圖

江亭落日正垂垂山寺禪僧出定時笑殺漆園尚
多事忘機更被海鷗知

題秋月初昇之圖

一夕秋風入井梧雲收天淨月輪孤水村何處吹
橫笛應有輕舟織鑑湖

哭李敦寧

四景

真淳宿德使人欽
政在湖南遺愛深
一爵都西相送後
江風吹露曉沉沉
盈虛消息竟成空
已覺浮生石火紅
戚屬比隣恩意厚
不堪哀泪洒秋風

權政丞往延豐温井以病未餞以詩贈別

天恩賜餞集江樓
澡浴良辰野菊秋
內部新聲催內醜
高陽酒老病為仇

題韓致義山水屏

松檜森森嶽色蒼
水村山寺遠微茫
江亭一夕秋風至
相對無言倚晚涼

山下仙宮暗翠霏
平蕪斷壠晚依依
江南賈客門

前水亭上殘碁對落暉

古木長風舞翠蛟盤空綠影陰亭茅亭中有客何
為者閑看舟人艤竹芭

水遠天長一望通江邊高閣酒旗風倚棹扁舟何
處客鐘聲隱隱有無中

樹老江村不勝清汀沙漸覺晚潮生柴扉晝掩無
人見只有扁舟自在橫

飛流碎沫落天紳絕世竒觀寂寞濱舉世炎塵誰
得脫清涼只有過橋人

遠山天外白雲堆江靜舟人睡一回亭上醉翁應
有意門前已見拖琴來

極浦回灣秋水平橙黃橘綠渚禽鳴無人識得江

山趣孤閣危亭夕照明
 絕壁龍蟠插古亭長橋虹卧度幽汀看來橋上亭
 中客碁局蹇驢問醉醒
 入眼靈牋畫作奇山翁江客與委蛇塵中半日湖
 山興正為吟成十首詩

次一卷韻

雪中佳果睡餘來合眼沉疴一嚼開月在西湖看
 未得此生遂安坐蓋梅
 兩鬢春風拂拂來粘枝飛雪作花開畢竟色香俱
 一味知渠不必問真梅

寄江原監司朴捷

山岳龍從水拍空雨晴沙軟海棠紅少年行樂非

容易千古風流在眼中

保閑齋集卷第五

保閑齋集卷第六

七言小詩

寄咸吉康監司

尺素題絨萬里情
離懷落落鬢絲明
邊山躑躅今開未
都下烟花已滿城

次權正卿詩

春風白髮正交加
滿目芳菲奈尔何
頭上有冠投未得
空令幽興寄烟霞

數篇清什照瓊葩
斗覺春心一半加
杏盡有桃猶未始
芳期更待滿城花

結髮情親數十年
此生恩義有皇天
賞春一事真容易
連歲蹉跎似宿緣

次朴健順韻賀新同副李繼孫

風雲際會屬豪英
咫尺天顏日月明
世上云為皆有數
鯉鵬變化稱人情

寄廣陵君巡察三道

日想清遊入夢來
南州處處雨肥梅
老年漸覺離

懷苦莫負秋風送菊盃

寄羅州留鄉所

鄉在所以僕歷領府寄書故答之

鄉人千里冒滄霖
尺素傳書直萬金
欺世功名知

已足秋風又起故園心

寄謝茂長城主李由義年兄

以陸領府遣吏稱賀故云

軒冕浮雲正欲休
西風松桂故山秋
同年城主應

知幾尚想尊鱸興未收

寄謝光州牧元公志於

功成畢竟事悠悠浮實虛名况可休
一夕秋風吹兩鬢不堪歸興繞林丘

寄光州留鄉所

早將書劔事羈遊浪逐浮名尚未休
一見鄉書歸興急故園三逕又新秋

寄鄭憑甫况

離懷千里正如何一夕西風菊欲花
南望碧雲時入眼長安新酒已浮霞

次一菴詩韻

千古傳燈同不同蒲庭秋雨蒲簾風
眼沙添縮中心結何似地書睡一通

一菴詩

一道西來萬古同相公閑詠禪門風因看三十

禪書卷題寄禪窓漏盡通

前是借傳燈
若須故云

次前韻呈判禪宗

仁允

昨方困坐童子忽傳小簡曰自一菴令讀之

詩一絕也遂以為一菴之詩即賡韻戲答既

去更看小簡則乃自判禪公非一菴也其迷

妄誠可笑也方悟心不可著如是又用前韻

為三絕奉呈判禪公侍者以自笑且自解云

一片心同事不同非梧籬菊共秋風讀來滿紙空

文字只有靈光暗已通

真妄相凌混異同此心迷誤逐狂風終知未免眼

中嘗拍手呵呵笑一通

本來無異又無同一點圓光萬劫風便覺妄除真
自在已從諸祖借神通

寄別子濬體察江原

一夜西風生井梧海天寥落碧雲浮題絨遠寄相
思字規夢超超乍有無

贈別晉牧朴隣

青緇五馬屬炎蒸一別江亭病未能嶺外秋風吹
漸遍頭流入眼碧雲凝

送一菴弟子德尚下禪歸嶺南

南遊嶺表事高尋故國西風萬里心禪曹得失空
花耳一樣筌蹄古到今

問曹行源

三朝連飲酒為苦空對東籬菊有花問君氣味今
何似身病方知老漸多

空韻謝朴延城

元亨

題詩姜景愚所畫蒲桃

見惠

筆下仁齋一架秋延城幽思更誰收高陽老子閑
相對便覺人間更九州

庭下西風一夕秋長空寥落暮雲收半幅蠶箋詩
與畫坐令幽興滿神州

不待西風髮已秋湖山歸興正難收賴有故人知
已在無心乘鶴上揚州

寄魯參自燕而還

一夜西風吹雪飛長途萬里拍征衣燕酒千鍾依
舊否題詩遙聞故人歸

又用前韻答之

燕山來往正如飛聽子旋旌起攬衣別後醉鄉空
寂寞而今自喜與同歸

癸未正月二十六日以腫卧家翰林來示

知製

教等所作謝恩表箋傳崔寧城之

言曰諸作皆不可用今改作書呈又曰近

來皆不用心作且不作者多 啓請推考

何如予書紙尾曰

知教年來惰慢多文章巨手賴懸河縣監荷印沐

相笑五七其如四六何

謗傳昔縣監出使將校荷印先行縣監曰人見或以

為詩校之印也即取自荷之○
寧城嘗醉甚為聯句或四或六

翼日寧城次韻為四絕來贈又用前韻答之
一夜東風春氣多晴光滿目舊山河醉聽長短真
閑事白髮清尊奈尔何

崔寧城詩曰

綠髮岩廊眷倚冬洗清東宇操天河文章一藝

渾閑事從古雙全有幾何

斲窻顛倒日來多博洽深漸辨豕河擬向江湖

乞骸去却嫌鷗鷺又誰何

雪深雙鬢眼花多鼯鼠區區欲飲河日笑趨來

添技癢喜聯三字醉無何

縮手旁觀吟齒多強將溝澮效江河白頭學士

翻猶倒其奈少年新進何

題雲月軒卷

皎皎當空一片月苦被浮雲忽拚隔雲兮月兮莫
相猜天明風起兩無跡

贈別之望兄

男子功名少壯時春風握節擁旌旗年來自恨身
多病贈別空傳一首詩
光山山下有荒村歸夢超超寄故園臺柳烟絲依
舊否春風相送暗銷魂

贈別李廣陵

萬騎青緇氣染雄海天梅柳屬春風高陽病老空
回首悵望行塵一道紅

文武全才正寡儔
頻年南國作清遊
負弩處處趨
前後馬首春風吹不休

聞說病成銷瘦多
可堪南望泪滂沱
即今一聽承

賢語為到春風三匝羅
右一首寄呈慶尚左道兵使鄭某兄兄會病子承賢

往製病愈而還故云

答寄鄭憑甫兄久病新愈

昨夜同傾夢裏盃
今朝尺素嶺南來
開緘讀罷相

思字獨對春風咲
一回夜夢與權飲朝得來書

次曹僉知覲親詩卷

家傳賢子千金重
堂有嚴親三達全
事日短長情

可已知君歸思白雲邊

次沈判閣別墅詩卷韻

一夕西風秋草黃郊原勝地可傳觴膠膠擾擾少
開口達者誰能抱獨傷

君愛良辰菊有香清時別墅好稱觴得閑且樂閑
中樂世上無人不自忙

世味寧如自在遊浮生塵事白人頭名途役役何
為者舉目蕭然天地秋

物外逍遙與化遊應知身世兩悠悠君今行樂非
盃酒且愛林泉一段幽

欲說山林僕合更從來自信最鍾情如今可遂高
棲志萬壑松風非惡聲

生平立志喜揚清正自憐君丘壑情林下古來稱
客少相從且賴有蘭生

次左相吉昌詩韻

雨歇天衢不動塵
烟花萬樹正酣春
東風彩服西湖路
無限欄街手額人

可笑天公好戲人
賞春虛送數年春
如今不待煩招致
正自凌晨拜後塵

次金浩生韻

隨風處處落紅斜
雨歇春城百萬家
眼底光陰真頃刻
韓生不必幻盆花
墻下畦蔬逐地斜
一庭幽鳥似田家
睡起偶然成獨笑
春風滿面酒生花

次洪日休游津寬洞後賔金浩生詩卷詩韻

癸未五月十五日李伯玉與一菴專師請游
津寬洞以探舊遊乃招洪日休金浩生等入

津寬寺皆新之舊遊盡變但有門前古木
如舊耳還出洞口有圓峯臨水張幕共坐射
候聯詩極歡終日而罷津寬寺住持性明
餅粉飽數徒數日來饋日休喫飽蒸七椀
飯粥魚羹數椀飲
酒數椀徒駢之

我昔棲山讀書俄然二十年來僧移寺新非舊唯
有古木風回

身閑有詩有酒意適無往無來日暮歸途倒載蘧
然夢蝶驚回

伯玉如丘舊友麻川毫隱俱來共坐圓峯突兀俯
臨清澗周回

風微洞壑碧雲開故舊同遊共酒盃清興陶然猶
未已天邊日暮不須回

麻川偉量為人開七椀飽蒸甘角杯伯玉百篇傾

斗酒高陽噴噴首空回

一日塵懷物外開三山天際送青來傷心舊事無人識馬上聯詩緩緩回

戲次洪麻川韻

解在前
篇下題

雲埋洞壑有蕪中天外三峯翠惹驚舉口不須傾

七椀歸來得意已充充

范蒸
七椀

爛煮堅凝細切肪縷縷落筋集水霜吸來兩椀須

史盡洗却塵中熱惱腸

牛毛
二椀

重到山中聽午鍾浮生半日出塵籠香鉢雙盛香

積飯應終七日飽吾公

飯二
鉢

溪上玉臺生暗香聯詩撚箭足觥觴飛羽無巡真

野酌幽懷可寄水雲鄉

大純
升二

甘饒滿梳白髮香正是人間所未嘗
麻老雄豪一筋盡山人驚喜走添油餅

羹湯膾炙出漢鱗大嚼寧論甘與辛
結髮同遊老

益壯士林從此羨談新羹二枚膾數不可盡

呈金生負無丐老松

自識平生憐林石白頭未免猶好竒
從君且復借霜榦正為憑添一首詩

次權吉昌韻

飛花處處起瓊塵眼底唯餘四日春
正值太平開口笑明朝可使舊期新

次權吉昌詩韻

一生書劍尚迷津兩鬢蕭蕭白髮新
夜看除書成

起坐挑燈到曉暗愁神

日沒墓中足陰翳不才况復忝崇班且莫先人誇
捷手歸田有路竟同還

畫蛇安足待蛇成祗見旁人窺重輕若宜歸去早
歸去說飯蒸沙身後名

頭上流光不我留誰教掉臂覓封侯欺世浮名知
亦足從君早晚共漁舟

南國柴桑自有村竹籬茆屋掩荆門自歎可歸歸
未得書空咄咄不須言

癸未八月十九日除書夜到起見吉昌免政
府每與吉昌爭先辭退而各不得間今吉昌
以病先人著鞭自念稅駕之所竟夜無眠吉

昌果以詩自誇情有所感依韻和呈

吉昌詩曰

扁舟巨浪海無津
傲戒篙師日更新
自是齊川無大手
每逢風便謾傷神

分外功名每報頽
肯將衰病綴台班
從今莫羨韓丞相
匹馬西湖獨往還

因人碌碌愧無成
會信功名一羽輕
回首十年成底事
多慙尸素惹虛名

布衣之極足封留
况復勲名冠列侯
直將擎日咸池手
閑捻魚竿上釣舟

菊齋之後有陽村
世守忠清作相門
敢道急流能勇退
角巾私第已忘言

又用前韻呈吉昌

宦海滔滔競問津牛毛時事日惟新自古功成唯
有退知幾續命正如神

早從隆準識龍顏千古功名孰與班人道大勳歸
計早廟堂應見去將還

真人從古不雄成數首清詩萬戶輕勳業雅懷銘
在世煌煌千載汗青名

耳熱高陽任去留生平事業醉鄉侯東籬有菊黃
金軟為洗尊前雙玉舟

紅葉黃花郭外村高陽日倒老恩門只把醉醒為
事業閑忙到此兩無言

日僕忝在試官之列
每稱恩門相戲故云

僕與正卿小步共遊而幸
先解褐又於正卿擢魁之

寄上黨巡西邊

塞上秋深風漸高
沿江諸將拂弓刀
離懷落落空西望
手把黃花泛白醪

次魯參韻謝惠桃

頭上流光瞥眼空
那堪白首走塵紅
故人仙果來玄圃
一嚼醒然起醉翁

呈趙判事乞洛陽紅

眼底春光轉手空
從君聊復借深紅
名得洛陽饒古意
一簾微雨屬薰風

寄成吉康監司

荏苒流光走壑蛇
又憐春意屬梅花
傳盃塞下渾如夢
回首悠悠別恨多

次一菴韻

從君結契廿年強
流水交情誰短長
此身老去機關盡
只愛曹溪一味香

少壯憑渠筋骨強
指揮馳走鉄槍長
如今白髮紛垂耳
數卷楞嚴一炷香
郊外名園顧辟強
春回日暖柳絲長
君應急傍寒梅看
昨夜南枝已噴香

次姜景愚詩韻

奔走名途坐小才
膏肓泉石每縈懷
人生難得如心事
有口都無八九開

荅次一菴韻

歲晚悠悠春又來
孤齋清嘯待花開
醉頽一夜渾

無覺起視長安萬樹梅

荆門剥啄上人來宿醉餘醒恨未開可笑此身纏

熱惱虛中苦渴更呼梅

次尹洪川志韻

白頭塵土坐藍梅對雪終朝口不開尺素開緘成

大笑清詩正自故人來

承旨宴見招以病未赴詩以謝之

綠陰鶯語雨初收鳳沼華筵集貴遊坐想羽觴催

急管高陽酒老病仇謀

守言從事官

塞下秋風易感人悲茹孤角可傷神近聞胡虜皆

歸順尊酒黃花與味新

次洪麻川韻

諸子奎章逐字香
高陽醉興但清狂
碧山綠火頻歸夢
何日重尋弄羽觴
物換時移廿載強
唯餘詩酒少年狂
更有麻川校巨量
盃看萬斛笑龍驤

答寄秦寶城

長安新釀醉無何
霜落籬邊菊有花
南望故園天一極
停雲千里別愁多

次金浩生詩卷

并小叙

天順癸未仲春下旬七日僕病新起天雨客
斷獨坐金浩生適至出手卷皆先賢所贈金
曰漁村將赴京見訪求諸毛筆仍題壁上諸

公繼次凡得數百篇中因求和於人遂失之
今所記纔數篇連漁村手迹為卷請子和之
乃與話舊有感依韻書懷為七絕金曾從先
人遊僕亦長於其手先人舊人於今無幾唯
余往來不絕有加性且磊落多高談自幼操
筆遊事儒林交識滿朝自号毫隱

生平有癖愛中書結髮同遊有舊廬如今與尔俱
頭白相對忘言春雨餘

少逐桑弧老把書還如龜鼈守吾廬舊人唯有金
生在話舊輸心一笑餘

手整牙籤萬卷書青山雨歇繞荒廬適來金老知
人意簾外幽禽午睡餘

不用長槍不用書浮生半百過蘆廬相逢一咲唯
予汝只解吟詩不顧餘
自賴胸中詩與書東浮溟渤北穹廬縱談數十年
前事終是悠悠一餉餘
已情看書况著書荆扉依舊閉幽廬世味年來漸
嘗盡既非不足寧有餘
老去唯看種樹書林泉招我結精廬長槍大劍終
無用數寸毛錐老亦餘

次明信師詩謝惠扇

欺世功名便可休早知塵土白人頭禪窓半日同
清話正是逍遙自在遊
清涼隨手故人風明月流輝惹細竹驚破迷魂北

曠眠恍然身世南柯國

答次秦寶城韻

南中春暖烟花簇海上雲開山月高
宦路莫如為郡樂白頭時事困牛毛

似聞政績南州最早歲知君百事高
廢舉民安無所事新亭閑倚看風毛

結髮憐君意氣豪如今百里政聲高
眼見諸公還袞袞江陵何事舌生毛

又答次秦寶城

南州物論是非明飽聽循良漢吏名
薦書未就心還愧嘖嘖令人意不平

千里離懷歲月周停雲入眼海天頭
我亦家山在

南國吟君清什意悠悠

悼洪麻川在溫陽

手捧黃封到月城諸公舞蹈開懽聲連朝健倒推
雄俊一醉那知不復醒

結髮同遊世共知豪雄意氣似君稀人去碧油空
月色春風雙相涵征衣

石火飛紅惹眼前春風獨立正茫然從前痛飲尋
常事我道意藹自有天

寄次秦寶城

鷓鴣盈朝屬聖明白頭塵土困浮名故人南國
三千里天際停雲入眼平

次上天使素竹詩韻

天上使華蜀嶺袍筆端清興寄林臯青丘還值千
歲運靈葉霜枝化翠毛

綠三脩脩拂錦袍驪黃不管九方臯從知變化應
無盡但見風姿豎我毛

次上天使金湜贈畫竹詩韻

超超使節返皇州遺我三竿渭水秋望欲遠時離
思遠從今莫上最高樓

人道三韓更九州清風颯颯欲橫秋星槎一去留
仙跡題遍東方十二樓

歲寄黃海監司朴同年

丹風以
屬意

建節關西數十州紫陰露冕屬風流齊安已結三

陵興一夜西風菊有花

寄金溝守高台輔

浮生事事日來新
少同遊有幾人
故國天南歸
夢遠東華塵土
黯然神

吞寄金判事仁民居尚州

一夜西風吹不休
東籬幽興故山秋
傳絨手拚相思
字白髮紛如起
遠愁

寄贈濟州號御史姜過文

日出鯨波蓬島近
春歸海國瘴雲來
壯觀已覺難
為水何日逢
塲說一回

羅山出沒海天頭
玉節超超一葉浮
我亦東溟曾
破浪知君幽
思遠悠悠

送同年慶尚鄭監司

文炯

臘盡春回天氣和眼前梅雪古新羅黑頭建節如
君少舉手人人視子多

故園千里碧雲飛送子如今有所思弟在南山死
未葬行塵一望泪雙垂

送忠清監司金公

震智

結契交情骨肉真渠家老母即吾親憐君昨日重

重語為子丁寧已寫神

金與僕進上同
年屬以老母

明時建節世推賢白髮萱堂喜泪懸區區甘旨何
須道眼底孤雲歲暮天

挽姜中樞

希頴

結髮從遊兩鬢皤一生情契世無多血枯雙眼西

風吟獨對殘燈賦挽歌

才華德量出時流物望傾朝正未休此日在君非
不足其如天道竟悠悠

送許琮赴咸吉兵使

地盡東溟水接天重關復嶺路三千少年建節人
爭觀馬足海棠紅欲然

昔年度漠鉄衣寒阿赤河邊夜微闌白首如今身
又病都亭一酌且還難

論將推賢物議中聖主千城奉倚隆此去君應圖
所副汗青拈筆待豐功

送別濟州安撫使文公

飛羅古國在南溟聞說初來動上星聖眷有歸今

按節美譽傾耳為君聽
南國春回梅雪殘蓬瀛入望彩雲開如今海晏鯨
波靜十幅風帆穩上竿
呈開情親世所珍又叨僚友與忘形今日送君天
一極春風離思正真真

答寄同年李敬堯

由儀

在全羅

故人千里一封書手自開誠喜有餘南望舊山歸
不得春風白首正紛如

送辛長興

義卿

赴任

城南雨歇百花新歸騎輕衫欲暮春老去故山空
入夢送君猶未到江濱

柳僉知為設酌城南山麓見邀以病未容前

此數目卦密山仲孫設酌於此僕亦參

憶昨戴南鄉纒申開樽挾矢共諸公俯看萬樹飛

紅雨具有長江拖白虹

聞說今朝尋昨遊尊前歌舞促觥籌一夕春歸事

方急高陽酒老病為仇

次婁景醇贈一菴韻調一菴

曾聞佛道始從西白馬馱來亦緒餘尋山逐水俱

迷妄耳坐孤齋聽木魚

又用前韻

白頭汨汨東西走黃卷紛紛糟粕餘如今捕影空

雙手卻笑從前山上魚

又用前韻

飽暖從前已知是一死生到此寧願餘羨子道這塵
世外肯將山水換金魚

千林綠葉三春暮半世浮生一嘆餘唯有多生結

習苦滿床詩史盡書魚

寄同年田教導稀生在石城

白頭塵土浪悠悠欺世浮名尚未休忽得故人雙

大鯉令人歸興可林丘

寄謝富平守李垓惠尊

白首紅塵所不任交風况復送陰霖滿缸尊菜凝

冰活起我江湖萬里心

答寄申司成兄

手捧題緘手自開平安二字慰離懷歸心白髮兩

相迫南國尊鱸秋又回

塵土蕭蕭兩鬢皤故山松桂問何如終宵坐聽雨
聲急斗覺離懷老更多

挽李廣城

克堪

鸞翔獨立縉紳間氣槩英豪孰與班以死傷生非
遠孝憐君一去幾時還

以連喪未脫而殞

十載鑿坡逐衆賢當時意氣獨忘年如今回首俱
塵迹但見丹旌拂曉烟

有形浮寄總無多螻蛄龜蛇奈尔何白髮蕭蕭猶
未悟滿簾風雨賦哀謔

謝開慶住持一菴惠山蔬

老夫一念愛閑適已入山人夜夢中朝來軟煮山

蔬喫城市山中滋味同

來簡云夜夢與遊山

又用前韻答一菴

少年南北逐弧矢老去如今只卧遊
自計更無餘舊習君詩起我且休休

題畫簇

細竹清梅綠水涯東風春意滿香闌
美人初破遼西夢獨倚花梢日欲低

題匪懈堂四十八詠

梅窻素月

書窻梅月兩高孤冷影寒香乍有無
懶長參橫天欲曙分明一夜夢西湖

竹徑清風

脩篁夾徑碧雲堆
徙倚瀟然絕點埃
世上炎蒸薰到骨
此君應待故人來

日本踈躅

我昔雲帆掛大洋
孤舟五月繫扶桑
當時暫寄須臾
史與今日相看思渺茫

海南琅玕

昔年南海獻嘉祥
簞笏催班拜舞忙
聖主一朝恩眷重
已歸花裡耀神光

翻階芍藥

狂香浩態媚春空
日午渾階瑞霧濃
閑謝徒然不自管
芳心準擬托春風

滿架薔薇

春深始綻黃金姿繞架長條泥更垂無賴狂風來
取次羅帷繡幕謾離披

雪中冬由

臘底凝陰數已窮一端春意暗然通竹友梅兄應
互讓雪中花葉翠交紅

春後牧丹

春風桃李逐飛塵濃豔依依帶露新不與衆芳爭
早晚終然富貴保餘春

犀角梨花

簷前梨樹花飄雪寒食東風月滿梢玉色金波同
素窻終天永保淡如交

墻頭紅杏

數枝紅杏倚墻歌
雨霽風微日正遲
短築高栽應有意
春光已許四隣知

熟睡海棠

高人睡起掩朱扉
月轉長廊香霧霏
獨繞芳叢燒短燭
沉吟夜久更忘歸

半開山茶

山茶半吐守孤芳
歲暮春光所未嘗
正是自然天性晚
非孤淑質傲風霜

爛熳紫葳

一樹名花獨占幽
情芬千古正悠悠
終須對咏慰孤寂
爛熳塔頭紫霧浮

輕盈玉梅

輕盈玉梅

柔條噴薄綴明珠姑射神姿冰雪膚我道穉梅真
不忝暗香疎影與為徒

忘憂萱草

兩餘階畔綠芽長日午風輕翠影涼繁枝亂葉真
多事我正無憂賴爾忘

向日葵花

葵萼欹傾白日臨凭欄相對更沉吟人間豈乏傾
城色所貴平生一段心

門前楊柳

上苑芳菲掩未知門前楊柳綠千絲狂風且莫來
相擾日暖烟籠不自持

窗外芭蕉

霜雲初卷午風清
窻外芭蕉雨勢輕
公子祇憐能却暑
寧知更解作愁聲

籠烟翠檜

凌雲直幹已森森
翠葉當軒暮靄深
不有雪霜交照底
何緣知尔歲寒心

映日丹楓

西風日夕起秋聲
墻下丹楓一樹明
萬葉紛然須露憐
渠獨自待霜榮

凌霜菊

誰下寒葩擅物華
秋深霜露正交加
西風吹盡寧無悴
不作尋常落地花

傲雪蘭

雪壓孤叢楚曉蘭無人
紉佩歲將闋幽香不為世
衰歇讀罷騷經使我歎

萬年松

苔痕剝落起霜皮
生意時承雨露滋
莫悔枝條柔且軟
剛強不是萬年姿

四季花

丹萼盈盈貫四時
清標端合貴人知
不隨霜雪為摧謝
肯向春風倚盛衰

百日紅

芳英相續十旬間
清興悠然可解顏
世上榮華無十日
也須相就酌中山

三色桃

衷心不為雪霜渝老餘崢嶸歲月脩正坐纏身藤
蔓在枯榮不免有春秋

秊秋紅柿

霜深紅柿似秊秋葉盡空園實未收裂熟催餽搜
水府頰虬迸卵落寒漱

溫露黃橙

園裏黃橙溫露明朝暉斜映閃流星從渠變化江
南北自有香風一漾清

蜀葡萄

扶撐顛倒足安元磊落龍珠萬顆垂添竹引須誠
好事傍人已覺秋支離

安石榴

雨歇空庭日未斜
柔條綠暗襯丹霞
秋來不敢食
瓊液為愧薰風一樹花

盆池

一段清香萬古風
世人誰是愛蓮翁
霜深翠被彫
零盡只有芳心死
守紅

假山烟嵐

聚土階前作小山
峯巒林壑費機關
朝來咫尺烟嵐起
坐寄幽懷渺靄間

琉璃石

琉璃有石對琅玕
瑩澈無瑕表裏完
不是為人誇
侈美要憑真寶鎮花欄

瑔琚盆

賦形奇恠弄陰機幾世潛藏碧海湄水氣祗今先
雨潤便令花木媚光輝

鶴唳庭松

人靜中庭寒月明孤松盤翠不禁清呼僮僕莫驚
棲鶴要聽秋窻半夜聲

麝眠園草

日暖名園物色妍雨餘芳草綠如烟香風莫引遊
人至山麝春深自在眠

水上錦鷄

錦鷄吐綬窓翔翔山日已高烟水長自照臨流瀟
不悟知渠為坐愛文章

籠中華鷓

華鶴依依飲啄閑
雙雙飛舞自相歡
無人解舉閑籠手
豈乏凌霄萬里翰

木覓晴雲

南山當戶儼蒼顏
山腹晴雲一望間
聚散須臾饒變化
棲棲終不似人間

仁二暮鐘

庭樹沉沉暮色蒼
閑齋孤寂幽懷長
鐘聲忽爾發深省
獨對青燈吐夜光

保閑齋集卷第七

七言小詩

寄呈李參判 寧適

欺世功名已到頭
紅塵白首休未休
故國東風春事起
一宵歸夢遠陪遊

挽金提學 新民

盤坡十載挹餘芳
歲月悠悠事渺茫
歷歷敬宗遺約在
春風哀思正荒涼

欲作敬宗契金公已作契文未會而卒

扈駕觀楓岳偶成一絕
呈文良韓盧兩判書

楓岳名山世所奇
如今扈駕共君窺
人人各得瑰觀富
日暮空將隻眼歸

千峯玉立百川傾
駭目驚心世慮醒
出嶮就夷歸

卧穩濱溪依舊聽灘聲

又用前韻呈文良文在高城温井

前面奇奇後面奇其如睁眼管中窺何處真尋真
面目終然傲悅抱迷歸

折水玻璃曉色傾晴光入眼使人醒信馬行行隨
輦路輕沙卷白送濤聲

土石相凝不用奇紛紛屑屑浪來窺不見真奇真
俗眼從初不見與同歸

神液凝雲海岳傾刁圭誰擬宿痾醒一心謹衛千
官肅畫靜山禽不敢聲

扈駕高城雨中獨坐望山麓有花令僮移
栽偶成五絕戲呈文良賢契兼奉寧城韓盧

任諸先生共吟

為愛山花斲數叢移來正賴雨濛濛
客中且寄須臾興莫保雲崖寂寞紅

掘地排行次第栽枝枝亦有開未開
固識為紅無十日敷榮相繼待余回

人心無厭生豪奢窮處應知分有涯
今日始論真富貴編茅安幕又栽花

花並松簷紅翠連相看竟日正悠然
語花莫作傷根色渠自無心我自憐

生平笑殺愛蓮翁好事評花做異同
老去更為花所惱誰能拔我穢坑中

姜景愚畫蒲萄扑延城題詩誤倒可李平仲

又題解設即題送次韻謝呈

蔓草支撐逐手新，縱橫顛倒賴於人。
一筆打來頑殼破，分明眼底一般真。

一架蒲萄秋意新，半簾飛雨白頭人。
盡詩倒順終何與，為尔紛紛辨偽真。

老去浮生事事新，玄機轉弄迷人眼。
前依舊紅塵暗，白髮蒙頭尚此真。

贈別金叅議

未滿

年兄赴京

都亭別恨雜懽欣，結髮情親為有君。
鵬嶺閩山秋色瘦，朝天一路入燕雲。

一盃相屬笑談欣，白首秋風又送君。
歷歷舊遊猶在眼，鶴歸華表鎖寒雲。

箕城老幼舉欣欣額手爭看舊使君
立馬大同江上路烟沙依舊淡秋雲

金曾為下
地少尹

丙戌重陽日贈別朴左相延城奉使嶺南看
牧場

嶺外黃花滿眼秋萼鱸歸興日悠悠都亭祖席紛
車馬悵望行塵恨未收

南國葉桑是我鄉黃花赤葉况重陽送行一首荒
詩尔從此歸心一倍忙

寄崔慶州子初

解綬君應不日來胸中可盡無限懷老覺浮生閑
貴已菊春酒待花開

寄李司成

尺素開緘故友書相思不見四年餘
我亦柴桑在
南國春風白髮正紛如

題送日本使僧海雲詩卷

聖人乘運握乾符
聲教東漸出日隅
萬里梯航重
譯遠輸誠寧復憚艱劬

東國從來尊釋教
誦詩持節必緇徒
觀光無限如
師少道貌清修年德俱

我昔東遊海拍空
雲颺千尺駕長風
栖芳池上瑤
瑤閣正值芙蓉萬朵紅
兵庫原頭沙十里
霸家臺畔松萬株
令人送子生
遐想歷歷舊遊空
畫圖

寄咸吉康節度

那段山前躑躅花榆錢楊白柰渠何東溟萬里無

窮意石柱依然唱舊詩率石柱曾於北征每唱

云舊故

護鄭軾元夜見殮殯有感書懷時方杏花滿庭

眼底雙梭爭逝輝春禽啼盡杏花飛英雄蓋棺事

還了六十一年空手歸

往歲迎賓席地沙尊前詞舞滿庭花今來帶泪看

紅雨只有春風吹鬢華

次琴以詠韻送金濟州好

朝著推賢物論公青雲萬里逐冥鴻盤根利器今

應試好播芳名惹大東

人生南北屬天公一片孤帆雲外鴻故舊彫零君

又遠春風離思滿天東

禪宗判事壽眉見訪翼朝詩謝

睡罷孤齋獨老身雪殘垂柳又新春門前長者多

車轍瓶錫飄然有幾人

老宿康強有舊顏知公道氣後天完從容談笑論

家舊始覺浮生有箇閑師之師昔從小

道岬山溪雀舌茶窰村籬落雪梅花也應知我思

鄉意說及南州故事多道岬寺在雲岩師之所住

人嘗

谷寄梁安東敬老

新三梅柳怯春寒故友情懷在苒間白髮婆婆猶

未已空令歸夢遶家山

寄全羅朴監司

別恨悠悠歲月忙春風玉節照南荒老夫白髮紛
如雪空遣柴桑入夢長

寄謝慶尚監司金謙光惠養老新書

故人憐我鬢紛如為送新刊養老書白首婆娑休
正好春風挂酒載安車

乘廟遷陵挽詞

天生神聖闡雍熙堯舜相傳屬有為盛德不應隨
世沒至今三代守成規

舊域初移玄闕開鬱蔥佳氣集胎回人間變化今
三世萬姓新喪考妣哀

功成治定樂昇平讐校金鑿集俊英當日待臣今

白首不堪哀，泪洒春風。

踈慵孤讜，不宜時遺托。那期及賤，早白髮隨行空。

碌碌一生，慚負聖明知。

昭憲王后遷陵挽詞

德配坤元，作母儀關雎。麟趾贊雍熙，從知餘慶流。

千歲聖子，神孫守燕貽。

治平從古，自宜家聖德。儀刑內助，多遺澤在人深。

且厚萬民，奔走泪滂沱。

新隧佳城，春爛熳舊陵。殘月曉蒼涼，老臣世受恩。

榮重悲慕，終天抱恨長。

寄金濟州

好仁

舉目扶桑出日紅，海天寥落又秋容。南溟木道三

千里寄意相思二字中

祖入選見訪仍惠磁石松瀑馬價木杖以詩

謝

獨坐孤齋午睡回前街萬丈漲紅埃荆門車蓋非

無客但喜高人錫杖來

道俗休論各異方兩家交契世緣長高談便作清

涼界閑了人間半日忙

氣機轉轉自疑奇變化此雄鉄與磁可笑此心迷

處所上人方便道人知右磁石

愛書成癖老還多白首婆娑奈尔何已悞惠來應

有意可觀身世被渠磨右於煤

半百都忘少壯心筋骸痿弱老駸駸渥洼龍種真

無價晨夕扶勢直萬金

右馬贊本按

壽平安監司魚世謙

天氣炎涼瞥眼間漸看風雪滿關山松亭醉詠渾

如夢日暮蒼雲眼底寒

是腹伴送天使而還

次申司成兄詩韻

旬日胸中吐盡幽江濱別恨更悠悠如今悵望還

依舊白髮三千孰與愁

歸卧家山愜興幽紅塵奈此尚悠悠固知聚散由

天數不免桃燈五夜愁

平生行義洞明幽病卧那知事繆悠一箇明珠今

繼照天公到此解人愁

次高山寺詩韻

子洞孫從洽讀書城南高山寺一日持一
軸來謁曰河東鄭相公再遊於寺皆有詩
亦有和者寺僧學追為之軸乞和河東我
恩府也見軸有感為和四絕還之

松陰蒼翠合山南
蒼外蕭蕭風雪酣
俯瞰積蘇紅
萬丈人間變化入僧談

碩德勲名擅斗南
高懷坐玩是非酣
為憐小寺無
塵跡時聽山僧世外談

我今欲為佛和南
半百功名一餉酣
軒冕倘來非
素願浮生得失不容談

手題一絕寄城南
變化龍猪世味酣
規矩詩書真
切比看來且莫作常談

寄濟州金安撫 好仁

年蛇赴壑閃脩鱗
臍底窮陰又欲春
海瀾天南歸
夢斷故人離
思鬢絲新

題古畫屏十一絕

漢河問正

坑火愚黔黃老餘
人文墜地馬牛裾
得傳斯道真
如綫尚賴河間萬
卷書

張良

推秦博浪為韓仇
手搥乾坤借筋籌
赤松四皓終
何用黃石同歸土
一丘

諸葛亮

漢火銷沉不可扶
臨危受命但忘軀
論人不必論

成敗千古猶傳八陣圖

慕容恪

清談誤世神州空滿目
干戈羯與戎獨有玄恭遺
愛在英雄不必六經中

元勰

懋德清規世所知
松貞竹節歲寒姿
握蛇騎虎終難處
虛抱平生有所期

宇文憲

消息存亡事不違
功名畢竟覆危機
悽風吹斷堂萱萎
空使官僚辨是非

宋璟

世間非義莫相加
正大平生疾佞邪
固議強剛為

易折馳張時擬賦梅花

郭子儀

百戰功成世道夷
勲名富貴享期頤
臨淮不免終羞死
一段忠誠獨不虧

李沆

遠慮深恩保大平
當時先見獨高明
欲知家世傳清儉
看取封丘大祝廳

岳飛

一身許國奮孤忠
唾手燕雲意氣冲
誰使英雄身不保
天心到此正夢夢

文天祥

大運將終天命移
英雄無術可扶危
成仁取義心

中事留照汗青人得知

陸秀夫

大厦將傾一木支
頻年航海竟何為
行宮日暮巖山暗
汨濕朝衣萬古悲
人道高易老癡
奇心中今古兩紛披
屏上諸賢無限事
悲懼不滿數篇詩

同年進士崔孟漢流落十數年今放還其舊居昌原府之盲山云手栽花木已皆成林

十年流落寄林丘
白首歸來亦不留
昔日交遊零落盡
相逢一咲暗生愁

盲山春盡百花開
卷柳園桃手自栽
我亦故山在南國
隨君便欲去歸來

寄全羅許節度 琮

白首紛如尚未歸故園梅柳又春暉
侵晨題罷相思字一望天南為一欹

題義禁府畫屏

何人玩世獨懷奇坐對天紳萬丈垂
欺世浮名休不得令人慚愧鬢邊絲

嚴光釣

涼生水閣柳垂絲書罷籠鵝意氣遲
白首藝成竟

何用生平汨沒坐毛錐

羲之書

頃刻看慕已爛柯眼前千歲不為多
穠華亦是須

更事報道桃花柰尔何

桃花

雙鬢蕭蕭紫陌塵還丹無術兩毛新
三年一葉成

何用洞裏桃花笑殺人

桃源

寄濟州節度金同年

好仁

白髮紅塵老未休
浮生時事水東流
離懷落落三千里
雙鬢蕭蕭又一秋

一夜西風吹不休
頭邊光景正如流
海天寥落無南斗
眼底停雲已兩秋

又用前韻寄金濟州

時事紛紛便欲休
新涼况復火西流
愁雲碍眼天南極
獨對東籬菊有秋

又用前韻寄前人

老去離愁不可休
青山並海翠如流
歸鴻渺渺天邊遠
瘴霧初收水國秋

送別燈谷祖上人還山感舊書懷

上人以世家華胄早厭統綺離塵出世極
迹烟霞自遇知我世祖大王招遠往來
京都竟寄修緣度世而亦非上人雅懷所
樂也及世祖棄世為剗伽藍於陵側
上人為住以監之事既訖而世祖練祥
亦闕上人備然欲還舊栖馳書需一言為
山中閑玩僕在世祖之側往往見上人
而不得一叙懷抱嘗以事遇於楓岳論及
家世之舊傾盖定交襟期亦有相契者今
於其還也感今思古遂為八絕以為贈云
莫恠門庭施設殊心中規度墨名儒報德酬恩俱
已了秋風拂袖出塵區

朝著維吾方外君當時俱受
聖明恩一望光陵

碧雲合相逢不免暗銷魂

墜足紅塵久未歸故山猿鶴待回期手中瓶錫還

依舊明月清風憑阿誰

來不相從去不追更於何處賦睽離此心豈與人

離合千里應同對面時

紛紛役役度浮生鏡裏依然白髮明便可歸休休

未得搖搖心緒逐春旌

水逝雲行誰使令胸中計較空崢嶸十年消息隨

泡幻只有松蘿山月明

入事悲懽百歲間孤燈耿耿意漫漫一生汨沒何

為者白首紅塵望碧山

西風寥落已秋天觸物興懷更慨然一片歸心非
不急祖公今又著鞭先

送韓中樞

發襄陽

以聖節使赴京

遼天鶴去閭山盡燕市秋深易水寒卧想舊遊猶
歷歷計程醜酒待君還

謝安叅判

答原

自原平村在送蟹醜

白露凝寒一夜風起看黃菊在籬東少年狂態今
猶尔右手持盃左手空

送尹三

相

南

觀察慶尚

新羅古國有遺民千載相傳俗尚淳不幸連年遭

旱暵

聖君宵旰倚仁人

薰風棠樹綠陰齊玉節煌煌照帶犀欲見前年遺

愛在南人額手走黃兒

前年尹公以暇
使往嶺南

與子先朝共受知飛冰落鏗上宸詞雲斷鼎湖無

處望送君心緒逐風絲

戲次李伯玉惜花詩韻

伯玉自叙曰吾於年前過揚州見紅芍藥

爛開愛之斲一根種之花塢培土而灌之

朝夕望成今則枯矣傍有雜卉甚多培養

不如是之勤而莫不敷榮暢達物之有精

華者常惠不盛豈造物者之見猜也耶吟

成一絕以示金敬甫洪吉甫兩隣丈詩口

名花當日好移栽培養殷勤日百回造物

不知何似者春來不遣一枝開金洪各有

和連為軸以見示云初金之和是詩也吟
方苦夫人在傍問何詩金言其實而釋其
詩夫人笑曰聞李家有美人新死者此詩
豈直指死而已者哉君何見事之晚耶金
為之撫掌遂和其詩云君不見韓昌黎早
將倩挑風柳園中栽那知後日傷心鎮州
回祭枯聚散物理固如此不如邀朋觴咏
好懷開

瞥見穠華便手栽明眸况復向君回傳情寓物詩
家事不覺皺眉為一開

天心傾覆且培栽浪使悲腸日九回尤物移人君
莫惜春風卷地百花開

若憂栽花次第栽須今日日看花回縱使不枯開
便謝為君安得鎮長開

答寄裴宣慰

人言鶴髮在萱堂更喜君為里閉光我亦白頭休
未得歸心感意兩悠悠

寄忠清監司金年兄

腰間橫帶照黃金正節迢迢棠樹陰士女欄街看
露冕白頭還有少年心

送禪宗判事壽眉師還道岬

鄉人手額銜塵淨內使傳宣駟騎飛故國山川依
舊在霜花粧點待師歸

錦城暮色炊烟斷道岬秋光柿葉稀猿鶴舊遊休

更惱如今禪老已忘機

真偽紛紛混未休人心世道漸悠悠縱無禪老提

防手眼底曹溪欲倒流

光山山下是柴桑松竹蕭然菊有黃今日豈徒離

思苦一宵歸夢亦悽涼

生長南州世共懽申家故事舌翻瀾箕裘祖業能

承否十酒篇詩興未闌

師之師嘗從醉隱遊
故師多言醉隱事

題成重卿遊金剛山行齋後

扈駕曾從管裏窺十年幽思尚依稀得詩一洗胸

中穢可嘆高易老癖奇

寄永安鄭監司

年光荏苒白頭人臆雪消殘春亭啟一望東溟山

萬疊老來更覺別愁新

寄贈永安北道兵使宣

結髮同遊五十春紛紛時事眼中新
鉞山躑躅開猶未離思春風入夢頻

答寄永安鄭監司

一望重關塞路長東溟初日正蒼涼
開緘萬里相思字况復春風異味嘗

呈昌寧府院君

別舍清幽可寄閑南山當戶儼蒼顏
對床依舊清談苦日暮充然獨自還
日暖庭除翠影濃殘花幽鳥尚春風
園恩未報身還老相對儲然兩病翁

與君憂國此心同
白首酬恩尚未終
相逢開口非私意
半日論懷總為公

贈別江原監司李克墩

聖君宵旰為憂民
今日分憂物望新
聞說東州民力盡
須寬一分導深仁

先公門下受想優
候忽如今三十秋
都亭分袂非難事
老病侵人不自由

昔年扈駕到關東
正值棠花滿地紅
白首孤齋今獨卧
送君愁結掛蒼穹

在麻浦各禮判金謙光折簡問安

時賜暇

汀蘭岸芷屬清秋
落日孤烟水自流
一夜江鷗寒

麻浦

入夢病軀從此可歸休

荅姜景醇見問

江湖曉漲水連天
隔岸人家生淡烟
因病得休真自幸
一宵來伴白鷗眠

謝梁參議

順石

見問

老病駸駸似卧馳
閑鷗孤鶩奈吾何
尚有舟中一席地
白頭何事更婆娑

次同年洪僉知

敬源詩韻

江菊秋深尚未殘
一盃相屬豈為難
如年浴罷身還健
吟盡乾坤眼底寒

老年衰病兩同殘
流急其如勇退難
數日江濱甘寂寞
鷗盟從此未全寒

又次前韻

身世悠悠半欲殘，殘年得復少年難。
舊遊零落餘無幾，與子終期保歲寒。

孤燈耿耿夜初殘，心緒紛紛待曉暄。
雖名成未退身

還病江上秋風尚慟寒。

孤帆未落日西殘，風起潮回半易難。
西望海門應

未遠青山雲盡劔鏐寒。

生平氣槩老將殘，漸覺衰遲強作難。
猶有少年餘

習在欲憑盃酒當秋寒。

謝任子深見問

數日長江寂寞濱，始因身病作閑人。
生平故舊彫

零盡世上唯君見問頻。

子深次前韻來惠又賡呈

誰能十里問江濱
數首清詩有故人
浴罷慟寒猶閉戶
時時獨自朗吟頻

日夕安閑卧水濱
世間知有狎鷗人
急流勇退誠何日
咄咄令人竊歎頻

暮烟秋草荻花濱
無限乘潮弄水人
舊習消磨猶未盡
明窓手理釣竿頻

多病年來死與濱
固知非病老侵人
樽中有酒不敢酌
空問江干菊綻頻

用前韻謝曹昌寧惠梨

今來寂寞卧江濱
地僻誰能問病人
熱水浴餘成肺熱
適然瓊果惠來頻

窓外長江秋氣高
怯寒時復換新袍
病身浴罷相如渴
珍重來傳海上挑

寄黃海監司李同年

丙

漸覺離愁老
更多東籬霜菊放
新花乞骸近欲休
官去麻浦秋光泛落霞

在麻浦謝姜景醇見訪

長江潮滿水徘徊
兩岸青山畫障開
載酒來尋戴安道
秋風日暮孤棹回

次韻戲呈寧城綾城

卷一

紛紛市隱與栖山
吐吐高陽嘆等閑
人情曷遠不圖近
卧睡寧城隔帳間

輦下承恩醉與長
碧幢燒燭夜傳觴
諧談朗詠觥

壽促笑殺春風陞楮郎

春日未庭夜尚長殘燈耿耿可無觴人道高陽真
解事河間還笑解裙郎

惺惺之與陶陶者兩計君知孰是閑綾城遠引寧
城卧圖避真為伯仲間

獨自悠悠任醉醒令人局局咲忙閑萬鞞千歧迷
去住無如直走醉鄉間

有興寧須春起興真懽不借酒成懽連帷晨夕承
清話隨分身心到處安

床底畏蛇常顧睛盤中只喜絕蠅營雲霧放山還
舊態鷓鴣侵曉作春聲

大駕將還戲示寧城諸公

每計歸期坐待朝歸期已迫更無聊三宿豈忘桑
下戀溪聲嗚咽倍前宵

良辰甚 駕側羣英一月溪邊醉不醒更待明朝
上馬去蒲芽發茁為誰青

清時扈從共南遊豈料人還君獨留馬首春風吹
不盡離懷歸興兩悠悠

題溫陽壁上

前年雲幕繞行宮日日承恩醉興濃滿目如今空
碧草不堪哀泪洒薰風

雨霽山青麥壟平滯胸幽感不勝情溪邊痛飲承
恩處但見萋萋芳草生

夏夜沉沉坐待晨夢中依舊更承恩玄談方洽還

驚覺枕上淋漓空泪痕

世祖嘗有夢極盡精理

恩義君臣骨肉間微忠際遇擔河山此心不為幽

明隔又侍從容一夕懽

一團真性沒高低泥幻紛紜苦不齊聖訓昭昭猶

在耳如今又被夢還迷

浮生變化孰知真日見紛紛萬事新十載詢詢蒙

指道至今猶作夢中人

一夕風雷雨瀉盆神靈變化孰能聞床頭寂寞燈

生暈百感縈懷坐夜分

山勢周遭落日低晴川繚繞暮光迷沉吟徒倚無

人識黃雀啾啾鶯又啼

行殿荒涼鎖赤除悲懷觸物正紛如眼枯血盡心

迷妄身上唯應一死餘

早年攀附効微勳結髮孤忠荷聖恩百計仰酬

無一路唯知結草報新君

成化己丑孟夏上旬六日從大監崔安到温

井溪山如舊行宮寂寞追懷昔日不覺痛哭

盟日金從舜受命來設慰宴是夕醉卧夢

中侍世祖講夢究極玄妙一如平昔懼宴

方殷忽尔驚覺恍然魂迷兀留十日或雨或

晴觸物與懷吟成十絕題于佛堂南廡壁上

庶幾小抒悲慕之懷

次韻寄鄭密陽山景

昔日同看定六花
霜落缺衣明如今白髮紛

如雪卧想當時踏自驚

寄贈李公州未者

流光汨汨不曾留共步烏臺二十秋
聞說故人高卧穩起予歸興更悠悠

今從天使到温陽留數日咫尺相望却不自
由悵然而已浮名欺世白髮蒙頭尚未能休
慚愧故人不堪歎羨情現於詩

寄道岨眉上人

十里溪山古寺深松杉手種已成陰
南中日夕秋風起擬欲相尋話此心

次寄司成兄

爭墮紅塵鬢已蒼况今歸卧又悵悵
隔年南北相

思意况此春風梅雪香

次寄司成兄

南北真成生別離
待雲時雨使人悲
白頭汨汨何時已
一片歸心世共知

寄平安監司金謙光贈扇子

天上陰雲釀梅雨
人間酷熱扇炎塵
憑傳兩地無窮意
敢道清風自故人

寄慶尚起察尹弼商

旱災方緩又雷霖
聖上憂勤日更深
皇州鎮外無遐邇
憂國憂君共此心

贈李專祭

十載湖南又嶺南
浮生聚散正難堪
舊時唯在君前高

易老獨對春風醉
十年相別一相逢
依舊情懷白首同
聖主祇今方倚重
商山靈冕又春風

贈楊淵齋契

世間翻覆雨雲交
夙昔情親潦與膠
隔載難憑知幾許
相逢兩鬢已蕭蕭

萬里秋風送子歸
情談一夕別懷遲
邇來京洛多奇事
說與青絲校使知

題徐剛中西征錄後

作客燕山問幾秋
如今高卧思悠悠
沉吟半日西征錄
磊落山河盡舊遊

送徐剛中奉可成兩奉坊扈從

卷之四 地處駕諸君氣象新何用上林勤

時

正和徐剛山訪子階于漢江樓馬上口

口

同更上漢江樓

中

世事紛紛日更多坐尔浮名空

何

漢江樓

三十一

保閑齋集卷第八

五言四韻

次工部夜雨詩韻示謹甫

可愛江邊草萋萋春似秋山明猶夕照水靜只孤
舟杯酒愁連醉笛聲悲遠遊龍灣留滯久饒倚望
華樓

次工部韻示謹甫

他鄉吾與子萬里獨離羣西北愁黃鶯東南望白
雲山花憂裏見春鳥醉中聞不是謀身計無端心
緒紛

次工部韻示謹甫

義州為鉅鎮鎖鑰國西門極塞無烽燧村居按圃

園民安開夜戶麥秀暗春原
客子感時物紅殘綠
漸繁

謹甫見次

地脉連遼境江流接海門
漁樵常頓頓花柳自
園園露重紅歌岸燒殘
綠遍原春光供遠矚山
木漸成繁

次工部秋晴韻示謹甫

客裏還多事頭慵一月梳
山光侵戶牖草色上庭
除憤把澆愁酒憂絨寄遠書
他鄉江北是明日更
何如

謹甫見次

花壓水為鏡草織風作梳
清興因詩得幽愁用

酒除三春殘客路一月隔家書句句先生傑吟
吟愧不如

次工部中宵韻示謹甫

義州鎮千戶騎馬能射疏風月吟中困江山眼底
虛但知杯有酒不嘆食無魚畢竟趨弓劍從來誤
讀書

謹甫見次

今入桑古道貴賤作親疏已識身如寄從知名
又虛城外遼陽路盤中浪水魚撐腸何所有磊
落五車書

在遼陽館次工部韻三首示謹甫

今日春將去東君奈爾何只愁紅影盡敢喜綠陰

多寂寥遠陽常清在客裏歌倦遊偏有感光景轉
頭過

五日無人地行行踏澗橋
嶺山園野壘喬木軟雲
霄古意迷華表驚魂特楚
招家鄉無處望時入夢
中遶

佳境眼中過狂歌客裏清
林開時見鹿春盡未聞
鶯原草饋麤馬山蔬
澆羹前程自有限須走
趨晨行

贈揚忠

旅館無人訪長居客裏
齋極樽會勸醉談笑又閑
懷乳燕簷前語清風窸下
來滔滔趨利者詎識厭
塵埃

燕山路中次朴府尹詩韻

初心終不遂自覺漸頹推
遇事愁多緒逢人色發
灰偷安無善術嫁禍有良媒
萬慮還膠固坳堂水覆盃

少小離權愛袞袞風樹摧
荒墳崇尺土玄室歛寒
灰子道終無似名途強
逐媒幸今遺托在萬里侍
尊盃并先文同午

挽鄭政丞母崔氏

完山鍾秀氣淑媛繼家風
年歲來名閥貞姿配相
公八旬榮養極一夕夢
泡空幹蠱國柱石揚名在
大東

次李巨濟女誠詩卷

水國初還邑人安遂及神循良廷有議武略古無
隣發政仁威著宣麻聖眷新行春應露冕手額走
邊民

次仁濟館板上詩韻

窮谷民居少坡田幸有年林開知有路山合似無
前入斷溪源淨日斜霜葉然郵人三兩戶寂寞正
堪憐

孤館蒼崖下蕭條不記年橫行絕漠外投宿大山
前歸夢三更盡青燈一點然功名身後事役役使
人憐

次洪判事逸童韻

故人唯有子結髮宿懷深談笑江邊飲歸來馬上

吟孟奠多故意鷗鷺起春心雲雨饒翻覆寧愁半
日陰

又次前韻

小少交親辱同遊歲月深往來常與醉酬酢慣成
吟餘子多相識唯君不改心世情饒變態冷暖似
晴陰

行樂春風早懽情江水深踈荒慚鄙作磊落喜高
吟義氣丈夫事交遊時世心憑君且把酒落日下
山陰

次光州東軒韻

十載宦遊客歸心百折東鄉人猶舊面旅况屬蒸
風掖挂天恩遠松篁馬鬣空無從問往事亦老羣

重重

曾祖母墳在州南七入里許

題光州西軒

令嚴守令例不以修整館宇為事坐視頽毀吾同年柳公穀為州牧事既理又能新之為人所不為詩以為賀

西軒舊湫隘制度今與然鄉人多歲屬城土况同年政理無前日循良比昔賢歸來記吳亭授筆寫荒篇

次撫夷樓詩韻

以焚蕘掃墳受暇南來至錦城臨南李公

子至光州柳君穀靈光金君永淵南平李

君專辨珞原李君貞粹綾城金君稟咸平

李君渙州之校書正字羅仲山進士吳慎

仲光州之進士崔恭異與僕同年也潭陽

李君憲長興卞君抱錦山李君始元結

發故交也水使江城君奉公石柱靈岩權

君桐同盟也皆來見慰前監察了君克仁

自泰仁正字柳君休復自南平亦至皆布

老交也從兄子橋惠翁守咸陽又來州牧

崔君善復子初切親也半刺卞君崇信也

與之登樓極歡有感而作

登樓集舊文置酒且張候故國千山暮歸心兩鬢

秋盃樽詩舞簇軒冕雨雲浮聚散憐萍水清懽夜

未休

次谷口軒板韻

朝來谷口驛坐聽白鷗鳴村近淡烟碧天低初日
明餘濤鳴席卷危石駭天成客裏須臾興雲橫海
面平

次吉州東軒韻

移州曾卜地聚石不成城樹木時時見雲山處處
平麾軍試陣法訪古驗民情節度愧才拙巡邊敢
自榮

寄權正卿

東極來千里邊城月無盈隔江皆虜聚問地半胡
名龜羯薰人苦風沙拍面輕和戎才正拙兩鬢雪
華明

踰檜嶺宿雄耳站

正程不計峻嶮嶺倚天傾風起松杉舞水開水石
鳴遠山連雪暗斜日漏雲明向晚披孤館身安
不驚

一卷以徐剛中詩二首無其所和末示邀人
作賡韻書懷奉呈

病骨高易老松堂白首禪閑忙歸蝶夢身世屬
眠方外溪山癖塵中膏火煎人間無脫處物我任
相纏

萬景方生意東風不屬人對時憐荏苒舉酒愛遠
巡社老非無句陶翁自有巾起予詩兩首清興忽
乘春

白憐墮塵立不得作孤禪世事多方誤人生一向
眠濃鮮長醉飽藥餌困魚煎更被詩為祟應從萬
劫纏

半百仍多病蓬頭作老人名場終放蕩世路尚遠
迢迢墨無停筆吟詩自岸中感時還感物烟柳已
浮春

挽河頌議政夫人

早歲配名德貞規世所儀蘭蓀滿畦晚鮎鶴壽期
頤榮養人聞足哀歌薤上晞松揪生曉霧玄室與
同歸

次諸公送別金執義分臺永興詩卷

朋遊同惜別朝議共憐才青海人無箭單于舊有

臺鑑明紛就緒手快電隨雷歸興且毋滯臆殘春
又來

蓬髮鬢亂志風雪海山迢邊俗能騎馬胡人喜射
鵬遠遊悲歲暮治劇見才高簪笏歸應遠堂堂立
聖朝

次琴以詠韻送金濟州

耽羅古海國王節丈夫行文武全才後朝廷峻選
精分符膺重寄宣化及生靈漢文循良傳知君稱
物情

南中春欲遍萬里送君行土窟今遺跡星芒古有
精山竒多異卉境淨集羣靈海闊雲廳遠離懷逐
宦情

光陵挽辭

中興奮義烈塗炭極黔蒼整屯乾坤大重明日月
光享天湯一德約法漢三章燕翼熙謀遠提綱萬
目張

聖人應天眷景運屬屯亨辟易驚神象續紛落夜
星慶雲昭九漢嘉瑞集明庭邇邇覃仁化臣民共
大平

建極續丕緒內修亦外攘文熙昭遠邇武烈涉窮
荒錫賚傾中國憐祀遠四方正期恢大略天道忽
乖張

遭逢自在閭國士便蒙知萬里從羈勒千山徭驗
夷傾心輸肺腑附翼際昌熙奔走誓圖報終身以

為期

豁達善為說蒙恩臣獨多中堂效夷舞上壽命申
家瓢剖盃無底永飛菊有花推誠喻骨肉千古更
誰加

大勳應享福萬歲保長終鴻業方凝績龍湖奈棄
弓十年酣一夢萬劫抱孤忠風雪橋山暗空垂血
淚紅

魚中樞 孝瞻 母氏挽章

貞嘉配儒雅琴瑟正相宜寶樹欽庭秀芳規仰壺
儀遷家敦義教斷髮結賢知終始哀榮備都人亦
涕洟

古道今誰繼紛紛時世人情交垂後嗣深契自先

親觴舉申家舊厨傳雪膾新曉燈題挽罷悲感倍

傷神

先人詩有曰頌君在效申家法府伏堂前自舉觴又曰雪羹時復作漁郎皆為先提學公

作

次剛中韻送一卷上人西遊

昨夜秋風至雲收天色高今君黃海去棄我白頭
遙落落縱雙脚悠悠隨百寮題詩贈子別不免喜

憂交

次洪同年敬孫詩韻

交交無多在彫零正可傷惟君故意薦白鬢此身
康誰慙詩書腹猶非肉食賜吹噓如有路予所敢
言荒

洪同年敬孫以詩來謝次韻以答

功名羈世務書癖坐儒酸毋惜將殘景寧回既倒
瀾避入空竊嘆對食更忘食舊友知心在論懷尚
又難

寄贈醴川守鄭同年

從韻

故人為親老嶺表宰絃歌超迹關山遠蒼茫風雪
多青雲浮宦海白日逐年蛇未退愁流急空嗟鬢
已華

保閑齋集卷第八

保閑齋集八



